



Broj: 02-11-2110/21-AP-18
Datum: 19.10.2021. godine

Na osnovu člana 69. Stav 2. tačka d) Zakona o javnim nabavkama („Službeni glasnik BiH“, broj: 39/14), člana 29. Stav 1. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021) i člana 39. Statuta općine Zavidovići («Službeni glasnik općine Zavidovići», broj: 5 /2008, 5a / 2008 i 11/2019), u predmetu dodjele ugovora o javnoj nabavci radova „Zimsko održavanje lokalnih cesta na području općine Zavidovići za sezonu 2021/2022.godinu (LOT 2), Općinski načelnik donosi

ODLUKU

Postupak javne nabavke radova „Zimsko održavanje lokalnih cesta na području Općine Zavidovići za sezonu 2021/2022.godinu LOT 2, pokrenut donošenjem Odluke broj 02-11-2110/21-AP-3 od 24.08.2021. godine objavljivan dana, 25.08.2021. godine u „Informacionom sistem E nabavki“ putem Obavještenja o nabavci broj: 1374-7-3-120-3-40/21., poništava se.

O b r a z l o ž e n j e

Općina Zavidovići donijela je Odluku broj: 02-11-2210/21-AP-3 od 24.08.2021. godine kojom je pokrenula postupak dodjele ugovora o javnoj nabavci radova „Zimsko održavanje lokalnih cesta na području općine Zavidovići za sezonu 2021/2022.godinu (LOT 2)“ putem otvorenog postupka za dostavu ponuda u skladu sa članom 25. Zakona o javnim nabavkama Bosne i Hercegovine („Službeni glasnik Bosne i Hercegovine, broj: 39/14),

Dana, 25.08.2021.godine uputila Obavještenje o nabavci radova „Zimsko održavanje lokalnih cesta na području općine Zavidovići za sezonu 2021/2022.godinu“ broj 1374-1-3-120-3-40 (1 na objavu u Informacioni sistem „E-nabavke“.

Ponude u postupku dodjele Ugovora javne nabavke radova „Zimsko održavanje lokalnih cesta na području općine Zavidovići za sezonu 2021/2022.godinu (LOT 2) dostavljale su se do dana, 12.10.2021. godine do 12 sati, a vrijeme otvaranja pristiglih ponuda zakazano bilo je zakazano za 12.10.2021. godine u 12 sati i 30 minuta u Sali za sastanke zgrade općine Zavidovići, I Sprat.

Na adresu Općine Zavidovići do krajnjeg roka za dostavu ponuda dostavljena je 1 (jedna) ponuda, i to ponuda ponuđača „BN TRANSPORT“ d.o.o. Zavidovići.

Komisija za javne nabavke za provođenje postupaka javnih nabavki roba, usluga i radova Općine Zavidovići izvršila je otvaranje ponuda 12.10.2021. godine u 12 sati i 30 minuta u Sali za sastanke Općine Zavidovići, o čemu je sačinila Zapisnik sa otvaranja ponuda broj: 02-11-2110/21-AP-17 godine od 12.10.2021. godine i Zapisnik o ocijeni ponuda broj: 02-11-2110/21 od 15.10. 2021. godine.

Nakon utvrđivanja sadržaja podnesene ponude, Komisija je utvrdila da je pristigla ponuda BN TRANSPORT" d.o.o. Zavidovići. blagovremena, ali da je formalno ne ispravna i tehnički ne zadovoljavajuća, jer ne sadrži sve priloge tražene kao u sadržaju navedenom u tenderskoj dokumentaciji predmetne javne nabavke.

Komisija za javnu nabavku za provođenje postupaka javnih nabavki roba, usluga i radova Općine Zavidovići dostavila je Zapisnik o ocjeni ponuda broj: 02-11-2110/21 od 15.10. 2021. godine gdje se u tački II – davanje preporuke, navodi da ponuda ponuđača „BN TRANSPORT“ d.o.o. Zavidovići nije prihvatljiva zbog formalno- tehnički nedostataka, kako je to i propisano u članu 69.stav 2 tačka d. Zakona o javnim nabavkama.

Članom 69. Zakona o javnim nabavkama, propisano je da se postupak javne nabave može se okončati zbog a) zaključenja ugovora o javnoj nabavi ili okvirnog sporazuma ili b) poništenjem postupka javne nabave.

U stavu istog člana Zakona o javnim nabavkama propisano je da je ugovorno tijelo obvezano poništiti postupak javne nabavke u slučajevima kad: a) nije dostavljena nijedna ponuda u određenom krajnjem roku; b) nije dostavljen nijedan zahtjev za sudjelovanje u ograničenom postupku, u pregovaračkom postupku s ili bez objavljivanja obavijesti ili u natjecateljskom dijalogu; c) nije dostavljen broj ponuda određen u članku 32. stavku (4) ovoga Zakona, ako je bilo predviđeno zaključenje okvirnog sporazuma; d) nijedna od primljenih ponuda nije prihvatljiva; e) su cijene svih prihvatljivih ponuda znatno veće od osiguranih sredstava za predmetnu nabavku.

Cijeneći pravilnost provedenog postupka dodjele ugovora o javnoj nabavci radova Zimsko održavanje lokalnih cesta na području općine Zavidovići za sezonu 2021/2022.godinu (LOT 2), te datu preporuku od strane Komisije za javne nabavke za provođenje postupaka javnih nabavki roba, usluga i radova Općine Zavidovići, odlučeno je kao u dispozitivu ove Odluke.

POUKA O PRAVNOM LIJEKU:


Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.


Dostavljeno:

1. „BN TRANSPORT“ d.o.o.
2. Služba za upravu ekonomskih poslova i poduzetništva
3. a/a

OPĆINSKI NAČELNIK

Dr. sci. Hašim Mujanović

Obradila: 
(Sanela Mulahasanović)

Kontrolisao: 
(Nermin Čahtarević)

20.10.21
